

Errugbia ♦ Baiona, Pau eta Tarbesko unibertsitarioen UPPAk Cork-en aurka jokatu du gaur

Europako finala, Baionan

UPPAko jokalaria gehienak Miarritze eta Baionan ari dira jokatzen, Eliten

Koldo Alduntzin / Donostia

SAINT-LEON zelai zaharrak —laster Jean-Dauger— beste behin unibertsitari mailako jarduna ukango du gaur (19:00), Times Trophy txapelketaren finala hartuko baitu; beste hitz batekin esanda, Unibertsitarioen Europako finala. Bestetik, urtero jokatzen den IDEKI zazpikako txapelketaren finalak ere Saint-Leonen izaten dira. Ingalaterra, Eskozia, Gales, Irlanda, Frantzia, Italia, Espainia eta Euskal Herriko unibertsitaterik onenek hartzen dute esku Times Trophy txapelketan.

Nazio horietako unibertsitate batzuetan, ikasle errugbilariek egun osoa igarotzen dute unibertsitatean bai ikasketak bai errugbi prestakuntzak egiten. Ez da, ordea, euskaldunen kasua, hemen goek Baionan eta Pauen ikasleko aukera dutelako. Horrela, ez dute arazorik ukaiten beren ohiko taldeekin entrenatzeko. Hala ere, «unibertsitatearekin ere entrenatzen dira hala behar denean», esan zigun Rene Viguera entrenatzaileak.

Rene Viguera UPPAko entrenatzailea izateaz gain, soin hezkuntza irakaslea da bertan. Horrez gain, Baiona taldeko entrenatzaileetako bat da, IDEKI txapelketak zuzentzen ditu eta Euskariaseko entrenatzaileetako bat ere ba da.



KOLDO ALDUNTZIN

Miarritzeko Bidabe —erdian— jokalaria garrantzitsua da UPPAren hiru laurdenetan. Argazkian, Espainiaren aurka.

Hiru mila ikusle espero dira Saint-Leonen

Ingelesak sortu eta antolatzen dute Times Trophy txapelketa. Baionan joka zedin finala bi eskari egin zituzten antolatzaileek: 3.000 ikusle baino gehiago ziurtatzea eta eta 120.000 liberako (3.000 pezeta) aitzinkontuari aurre egitea. «Apostu handia da, eta ez baditugu 3.000 ikusle horiek biltzen kolpe handi samarra hartuko dugu. Aitzitik, kopuru horretara

helduz gero, Euskal Herri osoak irabaziko du», adierazi zigun Viguerak. Eskaintza jaso bezain laster, «Jean-Louis Gout unibertsitateko lehendakariari egin nion proposamena, eta aitzinera egiteko erantzun zidan», gehitu zuen baionesak.

Cork ez da ezezaguna UPPAkoentzat, 1998ko zazpikako VII. IDEKI txapelketan elkarren kontra jokatu baitzuten. Orduan transformaketa batengatik irabazi zuten irlandarrek. Jokalarie-

kin batera, Tom Kiernan eta Moss Keane internacional ohi mitikoak ere baionan izango dira. Gainera, ehunen bat jarraitzaile helduko omen dira zuzeneko hegaldi batean.

Txapelketaren sailkapen fasea 21 taldek osatu zuten, hiru taldeko zazpi multzotan banatuta. UPPAk partida guztiak irabazi ditu: Bristol 0-27, Erroman 7-47. Final-laurdenetan, 14-20 irabazi zuen Londresen, eta finalerdian, 28-34 Cardiffen.

Viguera: «Euskaldunon jokoa egingo dugu: azkarra»

■ VIGUERA entrenatzaileak 25 jokalaria deitu ditu, eta Cardiffera eraman zituen berberak izango dira. Horietatik seik Miarritzen dihardute: Lefevre, Bonetti eta Bidabe —21 urte azpitiko internacionalak—, eta, Elizondo, Drogon eta Maous. Beste zazpi jokalaria Baiona taldean ari dira: Iriarte —21 urte azpitiko internacionala—, Larretxea —internazionala unibertsitarioa—, Couriol, Berges, Nicolas

Viguera, Galle eta Larralde. oriek biak internacionalak eskola mailan.

Beste taldeetan diharduten euskaldunak ere badira; hala nola: Etxegarai (Pau) —internazionala juniorretan—, Alvarez (Maule) eta D. Viguera (Lourdes). Aipaturiko bi vigueratarrak, Reneren semeak dira. Bestetik, Pauko lau jokalaria, eta, Akize, Perigueux, Bagneres eta Tarbeseko jokalaria bana ere ariko dira,



KOLDO ALDUNTZIN

Rene Viguera.

Cork taldea egungo txapelduna da, eta Viguerak dioenez «aitzin-multzo sutsua du, eta gainera, bi

erdiak eta hiru laurdenetako jokalaria pare bat oso sendoak. Hailere, jokalaririk arriskutsuena orpokatzaile internacionala dute». Jokoari dagokionez,

Jokoari dagokionez, «Irlandako jokoa darabilte, beti kontrarioarekin borrokan eta erronka fisikoa eragiten zela erdia irabazteko. Beraz, gogotsu jardun beharko dugu behar bezala erantzun eta gero, gure jokoa egin ahal izateko». Itxura batean «euskal-

dunok egiten duguna egingo dugu. Hau da, baloia mugitzen saiatu, zelaian zehar lasterka egin eta ikuskitzuna eskaini», gehitu zuen Viguerak.

Partida aparta egin zuten UPPAkoek Cardiffen kontra, galesek oso indartsu jardun arren. 70. hamarkadako jokoa egin zuten galesek, aitzinean oso sarkor, eta joko bizia eginez. «Ez dut uste antzeko neurketa gertatuko denik», erantsi zuen entrenatzaileak.

Atletismoa ♦

Mendiak «sei aurrenetan sartzeko posibilitateak» ditu

Haren entrenatzailea baikor da Europako Pista Estaliko Txapelketari begira

Erredakzioa / Iruñea

MARTA MENDIA nafarra, eta Montxu Miranda eta Cristina Petite bizkaitarrak izango dira ostiraletik igandea bitarte Ganten (Belgika) jokatu den Europako Pista Estaliko Txapelketan euskal atleta bakarrak. Hirurak ere Espainiako selekzioarekin ariko dira, Mendi altuera jauzian, Miranda pertika jauzian eta Petite 3.000 metroetan.

Ez dute posibilitate handirik domina bat irabazteko, baina Mendiaren entrenatzailea, Raul Gonzalez, itxaropentsu dago. «Aurten jadanik nahikoa egin du Martak, baina hark badaki Europako Txapelketa honetan goaldetan bukatzeko posibilitateak dituela. Bete-betean dago sasoi aldetik, eta berriro 1,90 metrotik gora ibil daiteke. Kasu horretan, sei lehenen sartuko litzateke seguruenez», esan zuen atzo *Diario de Noticias* egunkarian Raul Gonzalezek. Orain dela hamar bat egun, Donostian, Espainiako Pista Estaliko Txapelketan 1,92 metroko jauzia egin zuen Marta Mendiak, sasoi onean dela erakutsiz. 1998an pasatu zuen lehen aldiz 1,90 metrotatik, eta Gonzalez enatrenatzailearen ustez 1,96ko jauzia ere egin dezake Mendiak. 1,72 metroko garaiera du atleta nafarrak —ez da garaia, beraz, altuera jauzirako—, baina Gonzalezek gogoratzen duenez, «Marta baino neska txikiagoek lortu izan dute 1,98ko marka». Gustura da entrenatzailea harekin, «oso ona baita lehitzeko orduan».

Europako Txapelketa hau da pista estaliko denboraldiko azkeneko proba, eta gero aire librekoari ekingo diote. Aurten Joko Olinpikoetara joateko helburua du Mendiak.